


洵陽縣鄉土志

山 水 道 物 商
路 產 務

卷四





山

背洵面漢阻水依山金州保障天府屏藩

洵邑本山城洵漢二水繞之志載為金州之保障
天府之屏藩諒哉

靈崖近城峯巒環聳東枕漢江北控鵲嶺

靈崖在縣治東一望間山自鵲嶺發來環於縣城
之下為洵水入漢之口乃縣城要害之處

大尖聳峭北抵鄖西小尖高峻避亂可棲

大尖山距城一百三十里小尖山距城二百一十
里二山高峻俱在縣東可以避亂

紗帽取形又呼王駕黃土一山舊縣在下

紗帽山以形得名在縣東一百四十里黃土山在縣東一百五十里北周隋唐黃土縣治建此今無

當門如門兩山相對浮雲凌雲峯插天際

當門山在縣東一百七十里浮雲山在縣東北一百五十里

龍山有泉旱禱輒靈紫荆有洞舊栖赤松

龍山在縣東北一百二十里有靈泉為鄉民禱雨處紫荆山在縣東南五十里有仙洞相傳赤松舊遊處

穀山在南旱則禱雨瑞兆南齊槿樹連理

穀山在縣南十里南齊時有槿樹連理之瑞

山似馬鞍縣南可識近有尖朶又有鏡石

馬鞍山在縣南五十里相近有尖朶山又有鏡石
崖光耀奪目

梨園長嶺白土發脉至觀音塘蜿蜒奇特

梨園嶺在縣南五十里自平利縣白土關發脉至
觀音塘止

將軍雄偉鷹嘴尖峭老安有洞遇旱堪禱

將軍山在縣南六十里老安山在縣南九十五里
鷹嘴山在縣南一百里

女華極高林木鬱鬱有洞幽深雲出必雨

女華山在縣南一百二十里山極高峻林木蒼鬱
山腰有洞洞口二里許皆沙河洞中雲出必雨人
以為侯

岱頂高大在銅錢關平利竹谿兩縣接連

岱頂山在縣南銅錢關距城一百九十里與平利竹谿兩縣交界

嶺名駱駝形如駝項東枕縣衙西接羣嶂

駱駝嶺在縣西一百二十步為縣治之來脉形似駱駝項故名

黃杼嶺峻上通黑山青山在西安康相連

黃杼嶺在縣西三里為邑之主山上通黑山青山交安康界

棋盤山勢方若楸枰又有了角垂髻之形

棋盤山在縣西四十五里了角在縣西南安康平利洵陽三縣交界處

有盼陽嶺在縣西方能觀出日恍若扶桑

盼陽嶺在縣西北九十里左臨洵河右臨蔴坪河
又名楊家嶺

文武兩峯脉來秦嶺冷水河邊巍然高聳

文武山在縣北冷水河距城三十八里

羊山高大衆峯突兀西漢留侯於斯避穀

羊山在縣北四十里自秦嶺發來西接商鎮南瞰
漢江縣東北山環邑之半皆羊山之支脉也

王莽之山名乃俗傳鎮安安康兩界相連

王莽山在縣北二百五十里相傳王莽屯兵於此
上有王莽疑塚其地與鎮安安康交界

水

漢水為網自安康來北行東折環繞城隈

漢水自安康界來經青山鋪入洵陽界西南行閭
河合大小神河大小金河水注之又東過縣城洵
河合乾佑大小任河水注之又東蜀河合西岔河
竹筒河水注之又東仙河自山陽東南流注之又
東至藍灘又東至魚窩鋪入白河界漢水繞邑自
南而東船行上下相通邑其過路處也

洵出秦嶺亦繞縣城東至洵口與漢合並

洵水出長安縣之秦嶺至盧家寺入鎮安縣界又
經沙溝口東竹溝大寨溝入洵陽縣界

右小任河左孝義川又有大任度兩河關

合江口孝義川大小任河諸水又合沙溝諸水流
至兩河關與乾佑水合

閭河在南水出平利金河奔注源來自西

縣南水以閭河為大源出平利縣之連尖山北流
金河水西來注之

北匯神河又併冲河流三十里入於漢沱

又北神河水東來注之又折而西北流受平利之
冲河水合流三十里入漢

壩河一支受孟家河至閭河舖與漢相合

壩河即冲河源出湖北竹谿縣界流經平利縣至
陶家壩入洵陽縣界孟家河平頂河水入之閭河
壩河水亦可行小舟

磨溝一河在縣之東洞曰觀音源出其中

磨溝河在縣東二十里源出觀音洞流五十里入
漢水

大小棕溪出縣東邊一方家嶺一歪頭山

大棕溪在縣東一百里源出歪頭山流三十里入漢小棕溪在縣東五十里源出方家嶺流三十里入漢

蜀河在東源出秦嶺中洞西岔兩源歸總

蜀河在縣東路源出秦嶺自商州上洛縣來經鎮安入縣境受中洞西岔二水

南逕閭關出口洶湧入於漢水始行小艇

南行逕閭關舖出口入於漢江可行小舟

仙河之來經鄖西縣流入洵陽旋歸於漢

仙河在縣東九十里源出秦嶺經鄖西縣界流入縣境至仙河口入漢

盛家河水在縣東邊百六十里源出羊山

盛家河在縣東一百六十里源出羊山四十里出磨溝河與竹筒河交流三十里為潘家河達雙河口入蜀河

龍家河源礪子嶺畔屬湖北地併蜀入漢

龍家河在縣東一百六十里源出湖北礪子嶺南流四十五里合雙河口水又三十里至蜀河入漢

竹筒河源蔡家嶺下流七十里合於西岔

竹筒河在縣東二百五十里源出鎮安縣之蔡家嶺流七十里至雙河口合西岔河水又四十里自蜀河口入於漢

河名中洞在縣之東源出羊山折而南行

中洞河在縣東二百里源出羊山穿崖流二十里至雙河口入蜀河

西岔河源出西北山東南入蜀小水潺湲

西岔河在縣東北二百里源出西北山東南流入蜀河

平頂河源出師家坡兩岸平坦水入閭河

平頂河在縣西南三十里源出師家坡西北流入閭河

大金河源出侯家溝三十五里小金合流

大金河在縣南一百里源出侯家溝流三十五里與小金河合小金河在縣南一百里源出吳家寨流三十里合大金河至金河口入閭河

既入閭河又經神鎮至閭河口并投漢濱

小金河合大金河至金河口入閭河併神河行四

十里至閭河口入漢

水磨河源梓木樹壩流入閭河赤崖之下

水磨河在縣南一百一十里源出梓木樹壩流入赤崖入閭河

大小神河在縣南境一出鷹嘴一出太頂

小神河在縣南一百一十里源出鷹嘴山流六十里入大神河大神河在縣南一百三十里源出平利縣界之太頂山流十里至王家坪又五十里至神河口與小神河合入閭河

乾溪之源獅子嶺前流經蔴坪入於洵川

乾溪河在縣西北境源出獅子嶺流九十里至龍潭為蔴坪河又四十里至乾溪鋪為乾溪河入洵水

河名冷水上有二源一宋家園一大羊山

冷水河在縣北三十八里源出鷓嶺西南流入洵
水土人云水有二源一發源於宋家園一發大羊
山

通歷三峽百里合流先入洵河復與漢投

通歷三峽有黃龍穀雨等洞二派合流百里入洵
河

三岔河源出帽兒山三水合流沙溝之間

三岔河在縣北百七十里左受蔣家溝水源出帽
兒山右受土房溝水源出竹木礮中受松樹溝水
源出獅子嶺三水合流二十里至沙溝入洵水

桐木溪家亦二河名來自安康入於洵中

桐木溝水源出安康磚土溝流十五里入沙溝淡
家溝水出安康王莽山流十五里入洵河

大小任河均出鎮安至任河口入於洵川

大任河在縣北二百二十里源出鎮安縣張家坪
入洵陽駱駝項二十五里至任河口合小任河水
入洵河

道路

縣東道路

縣之東路首曰高店行抵藍灘訖釣魚壩

過洵水口沿漢水而下十五里至高店鋪十五里
至構園鋪十五里至小棕溪十五里至蒿塔二十
里至大棕溪分支路二左由大棕溪口入十五里

至財神廟十五里至小金河腦交竹谿界
路二十里至神仙洞正路由大棕溪口下十五里
至小關舖十五里至展園舖十五里至沙溝舖過
白河支路會於此十五里至蜀河口舖十五里
至仙河舖十五里至藍灘舖界石止交白河境由
蜀河口入二十五里至問關舖二十五里至雙河
口支路二左入西岔河七十里至古木嶺交鎮安
界右入潘家河十五里至崗梁支路二左入竹筒
河七十里至蔡家嶺交鎮安界右入磨溝河十五
里至鯿蓋子十五里至鹽店峽十五里至榆樹林
八里至釣魚碛界石交通省路

縣南道路

渡漢而南路達四邑平利白河竹山竹谿

由漢水而上三十里過漢水至問河口入四十里

至神河口支路二一由神河口入里許交小神河
一由神鎮沿閭河而上十五里入大金河口
總路由閭河上二十五里至廟子壩鋪十里至花
園寺鋪十五里至紅土寺鋪分支路二左入水磨
河七十里交竹山縣界右十里至七里關鋪二
十里至銅錢關鋪交竹谿竹山二縣界支路由
神河口入里許又分支路二右大神河過平利縣
路會此又由金河口入十五里又分支路二右
小金河入四十五里交紅土寺鋪左大金河入梁
家河腦交白河縣界

縣西道路

由漢而上縣治之西一抵安康一交平利

沿漢濱而上十五里至劉店鋪十五里至閭河鋪
十五里至廟溝鋪漢水南十五里至高壁梁漢水

十五里至青山舖交安康界支路由問河口入十五里至次日灘二十里至頭碛二碛十五里至筒車壩交平利縣界

縣北道路

沿洵而上達縣北鄉抵鎮安界道里堪詳

由治北沿洵水而上十五里至草坪舖十五里至柳村舖十五里至母豬灘十五里至乾溪河口入六十里至蔴坪河交興安府通省大路由乾溪河口過落馬寨十五里至新開嶺十五里至沙溝塘十五里至紅岩灘十五里至趙家灣興安入省大路會此三十里至王長溝十里過兩河關入乾佑河十五里至小河口草家川紅岩峽支路俱會此河十五里至仙姑碛十五里至界牌石交鎮安縣界十五里支路由兩河關左手入洵水而

上十里至沙溝口入桐木溝支路會此
里至任河口入二十五里至水田坪四十五里至
濫泥湖交鎮安安康二縣界

物產

動物

斑豹野豬山羊狐狸狼兔獺獾刺蝟麀鹿

動物雖多適用者少山羊如家羊而大毛灰黑色
其皮可作褥其血為跌打損傷之所必需狐狸皮
作裘甚良狼皮作褥柔暖宜人兔毫可作筆獺肝
能治傳尸癆其毫亦可作筆獾油可禦寒治嗽刺
蝟毛如錐能去風癢其胃可治癆瘵麀取麝香物
價最貴為瘡瘍跌打損傷中之聖藥鹿有四目其
目能分四季其皮堅韌土人多製作皮囊等物

日用之物馬牛騾驢家畜戶養羊豕鴨鷄

家畜亦多惟馬牛驢騾為大皆服遠耕種之物而牛猶為日用之所必需

植物

橘柑枇杷櫻桃梨柿桑竹松榭椅桐梓漆

邑四境皆山故木類甚繁舉其最適用者松杉作屋宇桑可養蠶竹能製器具榭皮可作商販餘木作家具應用者亦甚廣

氣候溫煖五穀暢生花果蔬菜應用不窮

地居洵尾濱於漢水時序平和五穀花果蔬菜之類俱生但無他方之廣耳